


XOSÉ FILGUEIRA VALVERDE

CUESTIONARIO



Seminario Galán.com



LETRAS GALEGAS
17 DE MAIO DE 2015

CAMILO DIAZ

XOSÉ FILGUEIRA VALVERDE



O día das Letras Galegas foi instituído pola Real Academia Galega no ano 1963 en conmemoración do centenario da publicación do libro «Cantares Gallegos» de Rosalía de Castro.



1.- Quen instituíu o Día das Letras Galegas?

2.- Que se conmemorou no ano 1963?

1

Este ano adícase o Día das Letras ao pontevedrés Xosé Fernando Filgueira Valverde, autor cunha abundante produción literaria e figura fundamental na cultura galega do pasado século.



3.- A quen se adica o Día das Letras Galegas de 2015?

4.- En que século naceu Xosé Filgueira?

2

Xosé Fernando Filgueira Valverde naceu na Praza do Peirao, en Pontevedra, o 28 de outubro de 1906. Era fillo de Araceli Valverde Yaquero, granadina, e do pontevedrés José María Filgueira Martínez.




5.- En que data naceu Xosé Filgueira?

6.- De onde eran seus pais?

3

Seu pai José María era un recoñecido médico de Pontevedra, moi apreciado polos seus veciños.




7.- Cal era o nome do pai de Xosé?

8.- Que profesión tiña?

4

Os seus estudos primarios e de bacharelato realizounos na súa cidade natal, Pontevedra, acadando sempre moi boas cualificacións.




9.- Que estudos realizou na cidade de Pontevedra?

10.- Que cualificacións acadou?

5

Na universidade de Santiago de Compostela estudou Xosé Filgueira a carreira de Dereito, acadando o Premio Extraordinario de licenciatura. Nesta mesma universidade e na de Zaragoza estudou Filosofía e Letras, chegando a ser doutor en Historia.




11.- Onde estudou Dereito?

12.- En que materia chegou a ser doutor?

6

Acadou o Premio Extraordinario en Historia cun traballo relacionado coas cantigas medievais, tema que lle gustaba moito e sobre o que escribiu libros e artigos como «Seis Cantigas de Mar in Modo Antico», «A lírica medieval galega», «Textos medievais»...



13.- Que premio acadou cun traballo relacionado coas cantigas medievais?

14.- Escribe o título dun dos seus libros.

7

No ano 1923 foi membro fundador do Seminario de Estudos Galegos, formado por estudantes e profesores da Universidade de Santiago e adicado ao estudo e a divulgación do patrimonio cultural galego.



15.- Que fundou Xosé Filgueira no ano 1923?

16.- Por quen estaba formado o Seminario de Estudos Galegos?

8

Foi profesor de Lingua e Literatura Española en Lugo e no instituto de Pontevedra, centro que dirixiu durante trinta anos seguidos. Este instituto foi declarado como modelo polo seu alto nivel académico.



17.- En que dúas cidades galegas traballou Xosé Filgueira?

18.- Durante cantos anos foi director do instituto de Pontevedra?

9

Durante a súa etapa como director do instituto de Pontevedra organizou moitas actividades deportivas e un coro que recibiu numerosos premios.



19.- Que cargo exercía no instituto de Pontevedra?

20.- Que grupo fundou no seu instituto e que recibiu numerosos premios?

10

En 1927 Filgueira Valverde funda, xunto con outros, o Museo de Pontevedra do que foi o primeiro secretario e, dende 1942, o seu director. O museo consta de cinco edificios históricos.



21.- De que foi cofundador Xosé Filgueira en 1927?

22.- Cantos edificios históricos forman o Museo de Pontevedra?

11

Xosé Filgueira foi membro numerario da Real Academia Galega dende o ano 1942, lendo o seu discurso de entrada que leva por título «Da épica na Galicia medieval», trinta e un anos despois, en 1973.



23.- De que institución foi membro Xosé Filgueira dende o ano 1942?

24.- Que título tiña o seu discurso de entrada na Real Academia Galega?

12

En plena ditadura franquista foi nomeado alcalde da cidade de Pontevedra, cargo que ocupou durante nove anos, de 1959 a 1968. Durante o seu mandato potenciouse a recuperación do casco histórico.



25.- Cantos anos estivo de alcalde da cidade de Pontevedra?

26.- De que ano a que ano?

13

Recibiu numerosos premios: o da «Festa da fala», o da «Academia Alfonso X El sabio», o «Pérez Lugín», o «Galicia. Letras», «O Pedrón de Ouro», «Medalla de ouro», de Pontevedra ... e foi membro da Academia da Lingua, da de Historia, da de Belas Artes...




27.- Cita dous premios recibidos por Xosé?

28.- Cita dúas Academias das que foi membro.

14

Despois das primeiras eleccións ao Parlamento galego, en 1981, foi nomeado Conselleiro de Cultura, cargo dende o que defendeu no Parlamento español a introdución do idioma galego no ensino.




29.- Que foi nomeado en 1981?

30.- Que defendeu no Parlamento español?

15

Dende o ano 1990 ata o seu falecemento, en 1996, presidiu o Consello da Cultura Galega. Filgueira foi coñecido de sempre co alcume de «O vello profesor». A súa obra literaria é moi extensa: trescentos libros e folletos, mil artigos en xornais e revistas ...



31.- Que presidiu dende 1990 a 1996?

32.- Como se coñecía a Xosé Filgueira?

16

No ano 1925 Filgueira Valverde iníciase na creación literaria cunha serie de relatos breves baixo o título de «Os nenos». Nesta obra os protagonistas son todos rapaces que, xa de adultos, lembran acontecementos da súa infancia.




33.- En que ano escribiu «Os nenos»?

34.- Quen son os protagonistas de «Os nenos»?

17

Tamén escribiu unha obra de teatro para nenos, «Agromar», aínda que non quixo usar o seu nome e utilizou o pseudónimo de J. Acuña. A obra foi escrita en 1936 e é unha das primeiras obras de teatro escolar onde case todos os personaxes son rapaces.



35.- Como se chama a obra de teatro para nenos escrita por Xosé Filgueira?

36.- Que pseudónimo utilizou?

«O pintor dos carteis de cego» é unha narración que aparece no libro «Quintana Viva», unha colección de relatos breves con temas populares e nos que os rapaces son os protagonistas.

O PINTOR DE CARTEIS DE CEGO

Os carteis dos cegos e máis os cadriños votivos pintanse na rúa Travesa, número 27, a carón da casa da señora Petra a dos panos roxos na cabeza. O taller do pintor está no baixo. Ten un escaparate coma o dunha panadería, de marco branco e cristal enfiarñado; dentro vese unha regalia dos ollos. O pintor expón as súas mellores obras: o galego do chaleco roxo; a galega da fonte; o San Pedro do traxe azul e máis un debuxo lineal copia dunha lámina de Cancela.

...



37.- En que libro aparece o relato «O pintor de carteis de cego»?

38.- En que rúa se pintan os carteis de cego?

39.- En que parte da casa está o taller do pintor?

40.- De que cor ten o traxe o San Pedro?

Jose Filgueira Valverde